

ԳԵՏԱԿԱՆ ՆԻՍՏ՝ ՆՎԻՐՎԱԾ ԶԵՅԺՈՒՆԻ 1862 ԹՎԱԿԱՆԻ ԱՊՍՏԱՄԲՈՒԹՅԱՆ
100-ԱՄՅԱԿԻՆ

1962 թ. նոյեմբերի 5-ին կայացրած Հայկական ՍՍԻ Գիտությունների ակադեմիայի Պատմության ինստիտուտի գիտական նիստը՝ նվիրված Զեյթունի 1862 թ. հերոսական ապստամբության 100-ամյակին, Ակադեմիայի կոնֆերենց-դահլիճում հավաքվել էին գիտնականներ, գրողներ, մայրաքաղաքի աշխատավորության ներկայացուցիչներ և մեծ թվով հյուրեր Հարավային Ամերիկայից, Հյուսիսային Ամերիկայի Միացյալ Նահանգներից, Ֆրանսիայից և արտասահմանյան այլ երկրներից:

Բաց անհյուվ նիստը, Հայկական ՍՍԻ ԳԱ պրեզիդենտ, ակադեմիկոս Վ. Հ. Համբարձումյանը նշեց, որքան է ողբերգական է եղել Զեյթունի հետագա պատմությունը, այնուամենայնիվ նրա 1862 թ. հաղթական ապստամբությունը արդարացիորեն դիտվում է որպես հայ ժողովրդի պատմության կարևորագույն և ուրախալի փաստերից մեկը: Այդ հաղթանակը նոր հույս և վստահություն ներշնչեց հայ աշխատավոր զանգվածներին, վկայելով, որ աշխատավոր ժողովուրդն իր պայքարով կարող է հասնել մեծ արդյունքների, թեև հաճախ գանդվում է անբարենպաստ, համարյա անելանելի պայմաններում: Ապստամբությունը բարձրացրեց հայ ժողովրդի ինքնագիտակցությունը: Զեյթունի աշխատավոր ժողովրդի արյունն իզուր չի թափվել: Զեյթունցիների պայքարը հանուն ազատության և մարդկային արժանապատվության խաղացել է իր կարևոր դերը հայ աշխատավորության հեղափոխական գիտակցության զարգացման գործում: Այսօր Սովետական Հայաստանը գտնվում է աննախընթաց վերելքի ճանապարհին: Նա երբեք չի մոռանում անցյալի ազատագրական պայքարի բաջ հերոսներին: Չի մոռանում նաև Զեյթունի քաջերին, Երևանի շրջակայքում մեկ ու կես տասնամյակ առաջ հիմնադրվեց նոր Զեյթունը: Հետագայում, շնորհիվ մայրաքաղաքի զարգացման աննախընթաց թափի, վերջինս իր մեջ առավ նոր: Զեյթունը, նա դարձավ Երևանի թաղերից մեկը: Մի՞թե օրինաչափական չէ այն, որ Զեյթունը դարձավ

Սովետական Հայաստանի մայրաքաղաքի մասերից մեկը: Իհարկե օրինաչափական է: Դրանով հենց Զեյթունը մասնակից է այն մեծ ստեղծագործական աշխատանքին, որ կատարվում է Հայաստանում այսօր:

Վ. Համբարձումյանի բացման խոսքից հետո «Զեյթունի 1862 թվականի հերոսամարտը» թեմայով զեկուցեց Հայկական ՍՍԻ ԳԱ ակադեմիկոս Մ. Ե. Ներսիսյանը (զեկուցման տեքստը տպագրվում է Պատմա-բանասիրական հանդեսի սույն համարում):

Այնուհետև պատմական գիտությունների թեկնածու Վ. Մելիքսեթյանը հանդես եկավ «Դրվագներ Զեյթունի պաշտպանական կռիվներից» զեկուցումով: Նա խոսեց Թուրքիայի տիրապետության տակ գտնվող Արևմտյան Հայաստանի սոցիալ-տնտեսական ու բաղադրական դրությունների և Օսմանյան կայսրության մեջ XIX դարի կեսին բռնկված ազգային-ազատագրական շարժումների մասին: Զեկուցողը շարադրեց 1862 թ. ապստամբության պատմությունը և կանգ առավ զեյթունցիների նաև 1878, 1884, 1894—1895 թթ. հերոսամարտերի վրա: Զեյթունը երկար ժամանակ կանգուն մնաց, մինչև 1915—1916 թթ. նրա, ինչպես և ամբողջ Արևմտյան Հայաստանի հայ բնակչությունը մասսայական կոտորածի ենթարկվեց:

«Զեյթունի ապստամբության արձագանքները հայ իրականության մեջ» թեմայով զեկուցեց պատմական գիտությունների թեկնածու Հ. Ղազարյանը: Նա խոսեց ապստամբության՝ հայ իրականության մեջ գտած արձագանքների, նրա ազդեցության տակ առաջացած շարժումների մասին: Ապստամբության ազդեցությամբ ալեկոծվեց թուրքահայ գավառը, մի պահ կենդանացավ ու պայքարի ճանապարհ բռնեց գավառահայությունը: Ապստամբությունը ջերմ արձագանք գտավ հայ դեմոկրատ մտավորականների շրջանում: Այդ հերոսամարտը երգեցին Բաֆֆին, Ն. Ռուսինյանը, Մ. Պեշիկթաշլյանը, Ս. Երզնկազյանը, Լ. Պատկանյանը, Հովհաննես

Մկրյանը և շատ այլ հայ բանաստեղծներ ու գրողներ:

Գիտական նիստի վերջում հանգես եկավ Մոնտեվիդեոյում բնակվող գեյթունցիների հայ-րենակցական միության նախագահ Արիս Ահա-րոնյանը, որը ջերմ շնորհակալություն հայտնեց

նիստի նախաձեռնողներին և ուրախություն հայտնեց այն հանգամանքը, որ այսօր Սովետական Հայաստանի հոյակապ ստեղծագործական աշխատանքին մասնակցում էն նաև շատ գեյթունցիներ:

Մ. ՄԵԼՔՈՆՅԱՆ

ԵՎԻՓՏԱԿԵՏ ԱՐՔԱԿ ՄԵԼՔԱՐՅԱՆԸ ԵՎ ԿՈՄՊՈԶԻՏՈՐ ԱՇՈՏ ՊԱՏՄԱԿՐՅԱՆԸ ԵՐԵՎԱՆՈՒՄ

Քելզիայի էլիզաբեթ թագուհու անվան Սգիստագիտության հաստատության ընդհանուր քարտուղար Եգիպտացեալ պրոֆ. դ-ր Արիս Ահարոնյանը, որը միջազգային Եգիպտագիտության հայտնի գեմբերից է, ս. թ. հոկտեմբեր ամսին շուրջ երեք շաբաթ անցկացրեց Երևանում, մի շարք հանգիստումներ ունեցավ Գիտությունների ակադեմիայի Արևելագիտության սեկտորի և Հնագիտության ինստիտուտի գիտական աշխատողների, ինչպես նաև Հայաստանի ճարտարապետների հետ:

Գոկտ. Ա. Մխիթարյանը ծնվել է 1911 թ. Եգիպտոսի Տանտա քաղաքում: Ըր սկզբնական և միջնակարգ կրթությունը նա ստացել է Ասիու-թի և Կահիրեի պետական վարժարաններում և 1925 թ. մեկնել Քելզիա՝ մասնագիտական ուսման համար: Ըրյուսելի համալսարանի հնագիտության և պատմագիտության ֆակուլտետը տվարակուց հետո, 1929 թ. նշանակվում է հայտնի Եգիպտացեալ Փան Գապարտի օգնական, նրա ստեղծած էլիզաբեթ թագուհու անվան Սգիստագիտության հաստատության մեջ, իսկ 1947 թ., Փան Գապարտի մահվանից հետո, նա ստանձնում է ընդհանուր քարտուղարի պաշտոնը, որը և վարում է մինչև այսօր:

Գոկտ. Ա. Մխիթարյանը իր կատարած բազմամյա պեղումներով զգալի չափով նպաստել է հին Եգիպտոսի պատմության մի շարք հարցերի լուսարանմանը: 1930, 1934, 1937, 1942 և 1945—1947 թթ. իրի Փան Գապարտի անմիջական գործակից, նա մասնակցել է Եգիպտոսի պեղումներին, իսկ 1947—1951 և 1953—1955 թթ. նա գլխավորում է պեղումները մի շարք հնադարյան Եգիպտական քաղաքներում, առանձնապես Էլ-Ֆարում, կատարելով նշանակալից հայտնագործումներ: Քելզիական բնկերությունն առանձին հատորով լույս է բնծայել Էլ-Փաբի վիճական արձանագրությունները, որոնց հայանագործումը և բնթերցումը կապված է Ա. Մխիթարյանի անվան հետ: Ըր կատարած պեղումների արդյունքների մասին նա բազմաթիվ հոդ-

վածներ է հրատարակել նաև քելզիական Եգիպտագիտական հանդեսում: Ըացի այդ, տարբեր ժամանակներում, նա Եգիպտոսի բազմադարյան կուլտուրայի պատմության մասին դասախոսություններ է կարդացել Եգիպտոսում, Քելզիայում, Հոլանդիայում, Շվեյցարիայում և այլ երկրներում: Ըարձր պնահասելով զոկտ. Ա. Մխիթարյանի՝ Եգիպտագիտությանը մատուցած աչքի բնկնող ծառայությունները, Եգիպտական կառավարությունը նրան պարգևատրել է էլ-Մտարեֆի պատվանշանով:

1962 թ. հոկտեմբերի 9-ին, Հայաստանի ԳԱ Արևելագիտության սեկտորի և Հնագիտության ինստիտուտի հրավերով, զոկտ. Ա. Մխիթարյանը հանգես եկավ «Հին Եգիպտոսի հուշարձանները» գեկուցումով: Հենվելով պեղումներից ձեռք բերված բազմահարուստ նյութի վրա, նա արժեքավոր տեղեկություններ հաղորդեց հին Եգիպտոսի դամբարանային, տաճարային և բնակարանային ճարտարապետության մասին, առանձին ուշադրություն բնծայելով Գառնակի և Խերեի ճարտարապետական կոթողներին: Դրանցում պահպանված առավել նշանավոր որմնանկարների, քանդակների, արձանների, ինչպես նաև գերեզմաններից հայտնաբերված տարրեր իրերի լուսանկարները մոզական լուստերով ցուցադրելով, զոկտ. Ա. Մխիթարյանը հետաքրքրական մանրամասնություններ հաղորդեց ոչ միայն հին Եգիպտոսի մշակույթի, այլև հին Եգիպտացիների հասարակական կազմի, նրանց առօրյա կյանքի, աշխատանքային պրամանների, սովորույթների և այլ հարցերի մասին:

Հաղորդումն ավարտելուց հետո, բնդառաջելով ներկաների ցանկությանը, զոկտ. Ա. Մխիթարյանը բացատրություններ տվեց Քելզիայում հայագիտության ծագման և զարգացման մի շարք հարցերի, ինչպես նաև այդ բնագավառում ձեռք բերված արդյունքների մասին:

Ճ. ԹՈՓՈԼԶՅԱՆ:

* * *

Սփյուռքահայ երաժշտական կյանքում Լեւոն Պատմադրյանը դրավում է իր առանձնահատուկ տեղը: Լավելի քան քառասնամյա երաժշտական բեղմնավոր գործունեության ընթացքում Պատմադրյանը հանդես է եկել իբրև կոմպոզիտոր, մանկավարժ, իմբրավար, երաժշտական դորժիչ և երաժշտագետ: Նա հայ երաժշտությանը նվիրված բազմաթիվ համերգներ է տվել ու դասախոսություններ կարդացել Բրանում, Եգիպտոսում, Սիրիայում, Լիբանանում, Պաղեստինում, Լեմերիկայի ու Եվրոպայի շատ երկրներում:

Լեւոն Պատմադրյանը «Երաժշտարան» դասագրքի հեղինակն է: Լեյստեղ նա երաժշտական շրենքների ուսուցումը կիրառում է մանկական խաղերի միջոցով: Լեյս գիրքը լույս է ընծայված Բրանում, հայերեն և պարսկերեն, և իրանի Լուսավորության մինիստրության կողմից ընդունված է որպես դասագիրք: 1954 թ. Քեմբրիջում կայացած՝ արևելագետների XXIII միջադաշին համագումարին Պատմադրյանը ներկայացնում է «Ժողովրդական արվեստի տարրերի դորժածությունը հայ եկեղեցական երգի մեջ XII դարում» հետաքննարկող գեկուցումը:

Բարձր գնահատելով Լեւոն Պատմադրյանի գործունեությունը, սփյուռքահայերը բազմաթիվ րադարներում մեծ շուքով տոնեցին նրա քառասնամյա հոբելյանը: Հոբելյանի հետ կապված լուրը նյութերն ամփոփված են «Լեւոն Պատմադրյանի հոբելյանը» գրքում, որը լույս է ընծայվել Բեյրութում, 1962 թ.:

Լեյս տարվա սեպտեմբեր-հոկտեմբեր ամիսներին Լեւոն Պատմադրյանը գտնվում էր Սովետական Հայաստանում: Լեյդ օրերին նա հանդիպում ունեցավ սովետահայ կոմպոզիտորների հետ, եղավ Հայկական Մանկավարժական ինստիտուտում, Գիտությունների ակադեմիայի Արվեստի ինստիտուտում, Սայաթ-Նովայի անվան երաժշտական դպրոցում, Արվեստի աշխատողների տանը, դասախոսություն կարդաց «Հայ ժողովրդական երգը» թեմայի մասին, ունեցավ մի շարք այլ հանդիպումներ, որոնց ընթացքում հայերենի երաժշտասեր հասարակությունը հնարավորություն ունեցավ ծանոթանալու նրա ստեղծագործական և մանկավարժական գործունեության հետ:

Հ. ԳՐԳԱՇԱՐՅԱՆ